



UNIVERSITÄTS-  
BIBLIOTHEK  
PADERBORN

**Pia Hilaria R. P. Angelini Gazæi E Societate Iesv Atrebatis**

**Gazet, Angelin**

**Antverpiae, 1629**

Optio coronæ aureæ vel spinæ.

---

[urn:nbn:de:hbz:466:1-70444](https://nbn-resolving.org/urn:nbn:de:hbz:466:1-70444)

Et ne, si sapitis, medium cunctaminor hilum  
Temporis, exitium est exitiale mora.

*Breuis ad studia Paranesis.*

**V** Illis homo, cæli pars altera & altera terræ,  
(Plus tamen è vili plus miser hausit humo)  
Ore, oculo, aure, animo terram vorat, omnia tādē  
Terreus, & cæli vix melioris amans.  
Quid facias, vt quod malè sorbuit, expuat, & se  
Sollicitus pennâ remige tollat humo?  
Fac discat: fac vt benenatam ad Pallada mentem  
Deriuēt curæ nobilioris amor.  
Vtque lubens matutino de rore pluentes  
Herba bibit gemmas, deliciasque vocat:  
Sic desiderijs mens icta si delibus optet,  
Quas alit Ingenij pensilis Hortus, opes.  
Ergo agedum Pubes, pretiosa tessera laudis  
Si vis, esse potes: si potes, esse velis.  
" Tam citò trans Isthmon vitæ breuis itur in Altum.  
" Et mors, quando voles discere, dicet, Obi.  
Vnda vndam ceu trudit, odor ceu trudit odorem,  
Sic agitur spatij vita volubilibus.  
Nata, renata, iterumque renata elabitur hora,  
Immoriens gyris irrequieta suis.  
" I propera; semper nocuit differre paratis;  
" Suffocant paruæ commoda magna moræ.

*Optio corona aurea, vel spinea.*

**E** Lige, utrâ malis: en Aurum, en Spina, coronæ.  
Illa nitet gemmis, sentibus ista riget.

Hanc auri-montes doctus promittere Mundus  
 Incolit, & pellex infidiosa Caro.  
 Illam Sobrietas, & parca Tempora mensæ,  
 Ac illibata gemma Pudicitia.  
 Hanc, Epulo, tua byssus habet, tua purpura sedem;  
 Hic tua mendicat, Lazare, pauperies.  
 Hic vigiles curæ stabulantur: ibi otia rident  
 Hospita, sed pauco post abitura die.  
 Hic morbi atque lues: mortisque cubilia febres,  
 Illic ridenti in corpore flens animus.  
 Illa viros inuitat arundineaque puellas,  
 Inque senes blandæ vim meretricis habet.  
 Hæc luteos animos, & nil nisi fictile Carnem  
 Territat, vt pueros mormolyceæ solent.  
 Ista vel illa tuæ conceditur altera vitæ:  
 Altera dein fatis illa vel ista tuis.  
 Elige vtram malis: renuunt misercier ambæ.  
 Aurum viuus habes? hæc obeuntis erit.  
 Hac Diui, quondam præstantia nomina terræ,  
 Armari spinâ discupiere caput.  
 Hanc alij, vacui meritis, expertia cæli  
 Pectora, vipereo sanguine peius habent.  
 Cum tuba supremam clangore vocauerit horam,  
 Qui spinam viuus gesserit, Agnus erit.  
 Aeterni dextram vis Iudicis, ane finiftram?  
 Qui viuens aurum gesserit, Hædus erit.  
 Quantæ deliciae, Christum exaudire Beatos  
 Affantem placidâ voce, *Venite boni?*  
 Quantus erit terror hunc exaudire tonantem  
 Aeternum miseris auribus, *Ite mali?*  
 Quid facies, qui gallinæ iam filius albæ  
 Nil de fortunâ turbidiore bibis?

Quid

Quid curæ in terras animæ, pecora ebria face,  
Aut Epicuréo de grege Turba fues?  
Clamabit miser, O quanto mihi constitit Aurum?  
Cantabit felix, Hoc mihi Spina dedit.  
Elige vtrum maus, vel conclamare Beatis,  
Vel miseros inter vis vlulare miser?  
Sed fragilem tanto cur tempore gesto coronam?  
Non amo te, procul hinc Aurea, non amo te.  
Non emitur tanti stultescere. Quid mihi tecum est  
Ementite color, cetera putre lutum?  
Spinea torquis ades, fronti que immersa profundæ,  
Vt lubet, occipiti sincipiti que noce;  
Et felix animi cerebrum bibe, robur ab alto est,  
Spicula nil menti sunt nocitura mea.  
Sculpe, Corona, tua hinc gentilia, sanguine pinge,  
Frons gerat vt Domini stigmata viua sui.  
Excoria: pellem, non mentem tollis, & inde  
Qui fluet, illustris dos mihi sanguis erit.  
Nondum abit in riuos sanguis meus. Esto: benigni  
Cum Ducis intueor Vulnera, sperno mea.  
Spinarum confors & conscie tormentorum,  
Per te per si quis, Christe, preci locus est,  
Connubi hoc placidus firma castosq; hymenæos,  
Nolo sine hoc ferto viuere, nolo mori.  
Cernis homo spinas, spinas insignia cæli,  
Symbola diuinæ cernis amicitia?  
Si sapias, hanc capiti, dum fas est, inde coronam:  
Quæ gerit hinc stimulos, post referet radios.  
Sed caue: quod lucere vides, est proditor Aurum,  
Quod serit hinc radios, post adiget stimulos.  
Ergo age, quisquis ades meliori præditus aure,  
Hæc bibe verba senex, hæc bibe verba puer.

» Alterum in alterius medio later. Optima mens est  
 » Per bona nolle malum, per mala velle bonum.

*Positus in medio, quò me vertam,  
 nescio.*

**H**Aereo, lac inter meditans interque cruorem,  
 Inter delicias vberis & lateris.  
 Et dico ( si fortè oculos super vbera tendo )  
 Diua Parens, mammae gaudia posco tuae.  
 Sed dico ( si deinde oculos ad Vulnera verto )  
 O I E S V, lateris gaudia malo tui.  
 Rem scio : prenfabo, si fas erit, vbera laua;  
 Et dextrâ tacitus Vulnera corripiam.  
 Vbere lactari volo, sed volo Sanguine pasci,  
 Delicijsque tuis Christe, Maria tuis.  
 Vulnera sed nati tua sunt, da Vulnera Mater;  
 Vbera sed tua sunt, vbera Nate dato.  
 Vbera si abnuitis, concedite Vulnera; tandem  
 Vulnera si abnuitis, vbera sola date.  
 Lac Matris miscere volo cum Sanguine Nati,  
 Non possem antidoto nobiliore frui.  
 Lacte niues anteibo, rosas anteibo cruore,  
 Efficiet purum mamma, cruor vegetum.  
 Vulnera restituent turpem vlceribus mendicum,  
 Testa cui saniem radere sola potest.  
 Vbera restinguent pueri sitientia labra,  
 Quem Sara non patitur, quem neq; nutrit Agar.  
 Illa mihi ad pestem procul & procul expungédam,  
 Ista mihi ad longas eualitura febres.  
 Vanus honos me perpetuâ prurigine tentat?  
 Exsaturare queo Sanguine, lacte queo.

Liuor